

ըել օգնելու վանական դպրոցի շինութեանը և պահպանութեանը, նոյնպէս և յարգոյ Անդամոց խորհրդոյ մարդասիրական ընկերութեան Բագուայ, ըստ որում այս թեմի ոսկեհանքն Բագուն է և ամենայն մի գործի համար թէ՛ եկեղեցական, թէ՛ դպրոցական, ևայլն Զամախեցիք, Առաջնորդն, հոգաբարձուք ևայլն, զիմել են Բագուայ բարեպաշտ իշխանաց ձեռնառութեանը, ինչպէս Սաղիանի վանքի շինութեան համար, Զամախոյ օրիորդաց դպրոցի շինութեան համար, և համարեա՛ ամեն բանի համար. և օրհնեալ բագուեցիք իբրեւ նախապատիւ եղբարք Զամախեցւոց և գաւառեցւոց, առանց խնայելոյ՝ ամեն ազգային հաստատութեան օգնում և օժանդակում են, որոյ մասին և ահա յայտնում եմ իմ լիովն զօհունակութիւնս և հրապարակական շնորհակալութիւնս, քանզի արժանի են Բագուեցիք օրհնութեան, զովութեան և շնորհակալութեան:

Ըստ որում մեր վանօրայքն 'ի սկզբնաւորութենէն ա՛նտի հիմնուած ու հաստատուած են դպրոցական կարեւորութեան համար, որք և հասցրել են երեւելի մարդիկ և ընտիր անդամք Հայութեան. ուստի 'իդէպ համարիմ արտագրել այստեղ ժամանակիս գիտնականաց մէկի նկարագրութիւնն,¹⁾ որ յարմարագոյն բանիւ նկարագրէ հետեւեալ բանիւն:

«Վանօրայք Հայաստանի ծագիւեալ յիւրաքանչիւր դարս ըստ պատմագրաց և ըստ արձանագրութեանց նոցին վանօրէից՝ հիմնեալ հաստատեալ են յատկապէս ի սկզբանէն ա՛նտի Քրիստոնէութեան 'ի Հայս յերջանկայիշատակ նախնեաց մերոց յօգուտ հասարակաց և 'ի պէտս իսկապէս կրթութեան Հայ մանկտոյն, և այս առաւելապէս տեսանի յաւուրս մեծին Ներսիսի հայրապետին, որ յետ Լուսաւորչին բարեկարգելոյ զՀայաստան՝ բազմացոյց յամենայն գաւառս զվանօրայս մինչև ըստ ժամանակակից հաւատարիմ պատմչաց՝ հասուցանել զթիւ վանօրէիցն ցերկուս հազարս. բայց այսորիկ վանօրայք առաւելապէս 'ի պէտս

¹⁾ Պարոն Կարապետն Կոստանեանց: